



## МЕСЯЦА МАРТА В 17-Й ДЕНЬ

### Преподобнаго Алексія, человека Божия

#### НА МАЛОЙ ВЕЧЕРНИ

На Господи, возвах: **стихиры, глас 8.**

**Подобен: О, преславнаго чудесе:**

**И**же Христовы ради любве, / Божественный  
Алексие, / дом отца и матери, и обрученицу  
оставль, / избволил еси нищету паче  
богатства / и, якоже Моисей, с людьми Божи-  
ими работати, / нежели имети жития тленного  
наслаждение, / отнюдуже и Небеснаго сподобися  
со святыми блаженства, / блаженне Алексие, /  
моли спастися душам нашим.

**О**т юности твоея, блаженне, / желанием Божест-  
ственным разжигаемь, / отсюдуже и Ангелом  
бысть единокитель, преподобне, / низу влекущих  
отступлей, / ко Горним простираяся, / и весь ум  
тамо имый, / и присно восхожденными день от дне к  
Богу приближаяся, / Егоже моли низпослати мир  
мирови / и душам нашим велию милость.

**П**амять твою, преподобне Алексие, / яко солнце,  
возсия, / верных просвещаючи Божественными  
чудесы, / Богомыслием, виденьми и деяньми, пребо-  
гате, / чисту душу свою соделал еси, / и плотская  
взыграна умертвив, / в живоносную мертьвость  
одеявся, / земных же отступль, / к Небесным же  
преславно возвышаемь, / вся земныя концы про-  
свещая благодатию, преподобне.

#### **Слава, глас 6:**

**П**ребыл еси на многое время, преподобне, / пред  
враты честных твоих родителей неведом, / руга-

ющимся тебе твоим отроком, / ты же Христа ради  
вся с радостью до кончины твоея претерпел еси. /  
Темже и Божественный глас свыше в церкви тебе  
огласи / и славна ты всем показана, / Божественная  
чудеса точаща. / Мы же молим тя, преподобне  
Алексие, / моли спастися всем, / любовью память  
твою почитающим.

### И ныне, Богородичен:

Никтоже, притекаяй к Тебе, / посрамлен от Тебе  
исходит, / Пречистая Богородице Дево, / но просит  
благодати / и приемлет дарование к полезному  
прошению.

### На стиховне стихиры, глас 2.

Подобен: Дому Евфрафов:

Дом и жилище / Духа Пресвятаго, / премудре  
Алексие, был еси. / Темже и нас дома Того  
соделай, / святую твою память почитающих.

**Стих:** Честна пред Господем / смерть преподоб-  
ных Его.

Житие твое, яко солнце, / сердца верных обли-  
ставает, / зари благодати испущающе, / имиже и  
нас, грешных, озари, / всечестную твою память  
почитающих.

**Стих:** Блажен муж, бойся Господа / в заповедех  
Его восхощет зело.

Не престаи, моляся, Алексие, / о правоверных, /  
яже духовным своим житием просвещаети, / да  
все честное успение твое, / веселящися, почитаем.

### Слава, и ныне, глас и подобен тойже:

Радуйся, / Яже радость миру приемшая / и уто-  
лившая печаль, / Дево, праматернюю, / Христа  
Жизнодавца рождши.

### Тропарь, глас 4 (зри на велицей вечерни).

#### НА ВЕЛИЦЕЙ ВЕЧЕРНИ

### На Господи, возвах: стихиры, глас 1.

Подобен: Всехвальнии мученицы:

Человека ты познахом Божия / званием же и  
вещию, / добродетельми бо просиял еси, / нищету  
безмерную и тесноту на земли стяжав / и чудесы



вѣрныя увѣрив./ Тѣмже моли́ся дарова́ти душамъ  
нашимъ/ мир и вѣлию мѣлость.

Желáнием, ороша́ющим плоть,/ по́хоти паля́щия  
угаси́л еси́, Алексіе,/ черто́гом черто́г благоче́-  
стно измени́л еси́,/ сла́дость же телѣсную Божѣ-  
ственнымъ Ангельскимъ подобіем./ С нѣмиже моли́-  
ся дарова́ти душамъ нашимъ/ мир и вѣлию мѣлость.

Пребыва́л еси́ неведомъ, му́дре,/ предъ враты́  
оскорбля́емъ священныхъ родите́лей твоихъ,/ руга́-  
ющимсяъ тебѣ твоимъ отроко́м,/ на вре́мени до́лзе,/  
у́мер же, яви́лся еси́ чудесы́,/ яже соверши́л еси́,/  
исцеля́я недуги и отгоня́я лукавствія дѹхи.

Домъ отца́ и ма́тере,/ к симъ же обру́ченицу,  
бога́тство и сла́ву,/ и вку́пе вся оста́вил еси́,/ и на  
нетле́нная она́я простира́ясь,/ сего́ ра́ди Христо́с  
твой, Человеколю́бец,/ бо́льшими тебѣ дарова́нии  
обога́ти и чудесы́ почте́,/ Егѡже моли́ дарова́ти  
душамъ нашимъ/ мир и вѣлию мѣлость.

### Ины стихи́ры, гласъ 6.

Подобенъ: Всю отложивше:

На Творца́ твоего́ упова́ние возложивъ,/ препо-  
добне́ отче Алексіе,/ самовольную нищету́ па́че  
бога́тства тле́ннаго возлюбилъ еси́/ и, Влады́чному  
стра́нствию подобя́ся,/ гра́да Еде́са дости́гл еси́,/  
иде́же ико́ною Богома́тере явленъ былъ еси́,/ не  
утаи́ся, яко́ градъ, верху́ горы́ стоя́, добродѣтель  
твоя́,/ но пресла́вно возсия́ силою́ Бо́жиею,/ Егѡже  
моли́ спасты́ся душамъ нашимъ.

Христо́во стра́нствие возлюбивъ,/ сла́вы челове́-  
ческа́я бе́гая,/ Еде́с оста́вил еси́,/ хоте́вшу же тебѣ  
идти́ в Та́рсы Киликѣ́йския,/ судомъ Бо́жиимъ ко-  
ра́бль вѣтромъ бу́рным/ ко оте́честву твоему́ воз-  
врати́ся./ Тѣмже и реклъ еси́:/ да не бу́ду тя́жекъ  
и́ному́ никому́же,/ но в домъ отца́ моего́ иду́ и ту  
бу́ду незна́емъ,/ и та́мо мно́га ле́та пребыва́л еси́,/  
нищету́ терпя́ и доса́ды Христа́ ра́ди,/ Егѡже моли́  
спасты́ся душамъ нашимъ.

Всего́ себѣ преоби́дев,/ от ю́ности Бо́гови возло-  
жи́лся еси́/ и, вся плѣти желáния и ми́ра кра́сная  
оста́вль, преподобне́,/ избѡли́л еси́ нищету́, па́че  
бога́тствъ тле́нных,/ и а́лчен бы́ти, па́че не́же  
имѣти/ маловре́менную греха́ сла́дость,/ сия́ же

претерпел еси, / отче Алексіе досточудне, / укрепляющую тя Господу, / Егоче моли спастися душам нашим.

### Слава, глас 2:

Тихое твоё, отче, и молчаливое, / беззлобное и кроткое житиё / возлюбив, Христос Бог, / преблаженне Алексіе, / явил ты есть светильника всему миру, / сияюща паче солнца, / ибо сожигательницу и богатство временное, / яко прах, вменил еси, / в дому отчи незнаемь, / Единого желая, любимаго тобою Христа. / Но помяни твою рабы / у Престола Всецаря, Христа Бога нашего, / преподобне отче, / не престай моляся за рабы своя.

### И ныне, Богородичен: Прейде сень:

Аще не поёши бдения: И ныне, Богородичен, глас 1.

#### Подобен: Всехвальнии:

Недоговавшую, Пресвятая, / люте душу мою страстьми лукавыми исцели, / яже Целителя и Спаса всех / — Христа рождающая, / всяку язю исцелившего / уязвленного дьявольским зломыслием / и смерти нас изменшаго.

### Крестобогородичен:

Своего Агница / Агница и Непорочная Владычица / на Кресте яко видевши, / зрака не имуща, ниже доброты, / — увы Мне, — рыдаючи, глаголаше: / где доброта Твоя зайдет, Сладчайший? / Где благолепие? / Где благодать блистающая образа Твоего, / Сыне Мой Любезнейший?

**Вход. Прокимен дне. Чтения 3.**

### Премудрости Соломону чтение (глава 3):

Праведных души в руце Божией, / и не прикоснется их мука. / Непщевани быша во очесех безумных умерети, / и вменися озлобление исход их. / И еже от нас шествие — сокрушение, / они же суть в мире. / Ибо пред лицем человеческим аще и муку примут, / упование их безсмертия исполнено. / И вмале наказани бывше, / великими благодетельствовани будут, / яко Бог искусит я / и обрете их достойны Себе. / Яко злато в горниле, искусит



их / и, яко всеплодие жёртвенное, прият я. / И во время посещения их возсияют / и, яко искры по стёблию, потекут. / Судят языком и обладают людми, / и воцарится Господь в них во веки. / Надёющиеся Нань разумеют истину / и вернии в любви пребудут Ему, / яко благодать и милость в преподобных Его / и посещение во избранных Его.

**Премудрости Соломона чтение (глава 4):**

Праведник аще постигнет скончатися, в покои будет. / Старость бо честна не многолетна, / ниже в числе лет исчитается. / Седина же есть мудрость человеком, / и возраст старости — житие нескверное. / Благоугоден Божови быв, возлюблен бысть / и живый посреде грешник преставлен бысть. / Восхищен бысть, да не злоба изменит разума его / или лесь прельстит душу его. / Рачение бо злобы помрачает добрая / и парение похоти пременяет ум незлобив. / Скончався в мале, исполни лета долга, / угодна бо бе Господеви душа его, / сего ради потщася от среды лукавствия. / Людие же видевше и не разумеюще, / ниже положше в помышлении таковоме, / яко благодать и милость в преподобных Его / и посещение во избранных Его.

**Премудрости Соломона чтение (главы 5 и 6):**

Праведницы во веки живут, / и в Господе мзда их, и попечение их у Вышняго. / Сего ради примут Царствие благолепия / и венец доброты от руки Господни, / зане десницею покрывает я и мышцею защитит их. / Приимет всеоружие рвение Своё / и вооружит тварь в месть врагом. / Облечётся в броня правды / и возложит шлем суд нелицемерен. / Приимет щит непобедимый преподобие, / поострит же напрасный гнев во оружие, / споборет же с ним мир на безумных. / Пойдут праволучныя стрелы молниины / и, яко от благокругла лука облаков, на намерение полетят. / И от каменометныя ярости исполнь падут грады, / вознегодует на них вода морская, / реки же потопят я нагло. / Сопротив станет им дух силы / и, яко вихор, развеет их, / и опустошит всю землю беззаконие, / и

злodeйство превратит престолы сильных. / Слышите убо, царие, и разумейте, / навькните, судий концев земли, / внушите держащие множества / и гордящиеся о народах язык, / яко дана есть от Господа держава вам / и сила от Вышняго.

### На литии стихиры, глас 6. Самогласны:

Ангела земнаго и Небеснаго человека, / блаженнаго Алексія, / міра благое украшение, / постников похвалу и убогих образ, / да почтим любезно, / иже насажден быв в доме Божии / и процвете, яко кедр в Ливане, / и, плотское мудрование постом и труды многими умертвив, / поживе Христови благочестно. / Емуже ныне предстоит во славе, / моли спастися душам нашим.

Царская селения и славу міра оставль, / в премірных райское наслаждение со святыми обрел еси, / отче Алексіе, / воистинну доброе изменение: / тленная бо оставль на земли, / нетленная восприял еси на Небесех / и, пренив настоящая будущими, / Ангелом был еси равностоятель. / С нимиже моли Христа Бога / спастися всем нам, / любовью память твою почитающим.

Красоты мирския, преподобне, оставль / и странствовать о Христе изволив, / великаго града Едеса достигл еси, / идеже яко един от нищих пребывая, / ищущим тебе отроком отца твоего / непознан был еси, / ты же, познав я и милостыню от них приемь, / — благодарю Тя, Господи, — рекл еси, / яко сподобил мя еси прияти милостыню от моих рабов / и рукою Твоею покрыл еси, / еже не познати им мене. / Егоже, преблаженне отче, моли / спастися всем, поющим тя.

### Слава, глас 4:

Тело твоё пречестное, премудре Алексіе, / многа исцеления верным источи, / слепым прозрение, болящим здравие, / и вся, с верою притекающая, / чудесы озари, Богоносе, Божиею благодатию. / К Нему же имея дерзновение, / моли даровати нам мир и велию милость.

**И ныне, Богородичен: Призри на моления:**



## На стихóвне стихіры, глас 1.

Подóбен: Небéсных чинóв:

Небéсный жителъ войстинну, óтче, был есі, / яко всякое пристра́стие от себé отвéргл есі / и, Христа возжелéв, / наследник Тому́ по достоя́нию был есі, / Егóже моли́, Алексіе преподóбне, / дарова́ти нам мир и véлию мило́сть.

**Стих:** Честна́ пред Го́сподем / смерть преподóбных Егó.

Иже богоугóдно плотскóе мудрова́ние / воздержани́ем умертвív / и насле́дие тлénное, éже на земли́, пренебре́гл, преподóбне, / от всея́ души́ Бо́гови прилепíлся есі, / Алексіе блаже́нне, / моли́ спастíся всем, véрою пою́щим тя.

**Стих:** Блаже́н муж, бойся Го́спода, / в за́поведех Егó восхо́щет зело́.

Пóдвиги твои́х страда́ний / во обітели́ Божéственныя вшел есі, / Алексіе пресла́вне, / и, та́мо со избранны́ми Трóице Пресу́щественней предсто́я, / наслажда́ешься дарова́нии неизглаго́ланными, / Ю́же и о нас моли́, / да тех же удосто́ит ны.

## Сла́ва, глас 8:

Иже véрою и любóвию / Бо́га от всея́ души́ взыска́л есі, / Алексіе всеблаже́нне, / вся земна́я яко прелéстная попра́в / и в чужди́х страна́х нищету́ и озлобле́ние претерпéв, / по досто́инству трудо́в воздая́ние от Христа́ восприя́л есі, / моли́ и о нас Егó, / да спасéт ду́ши наша.

**И ны́не, Богоро́дичен: Безневéстная Де́во:**

## Тропа́рь, глас 4:

**В**озвы́сився на добродéтель и ум очíстив, / к желáнному и кра́йнему достíгл есі, / безстра́стием же украсíв жити́е твоé / и пощéние изрýдное восприя́м со́вестию чíстою, / в моли́твах, яко безплóтен, пребыва́я, / возсия́л есі, яко со́лнце, в ми́ре, / преблаже́нне Алексіе.

## Ин тропа́рь, глас 4:

**Я**ко чистоты́ светíльник пресвéтел показáся, / дíвный Алексіе, / íбо тлénный черто́г / на нетлénное Бо́жие Ца́рствие пременя́в, / яко цело́-

мудрия делатель преизряден. / Сего ради предстоиши Господеви, всех Царю. / Егже моли, даровати нам мир и велию милость.

**Слава, и ныне, Богородичен: Е**же от века утаенное:

**НА УТРЕНИ**

**По 1-м стихословии седален, глас 4.**

**Подобен: Вознесыйся:**

**Н**ыне не в гадании, лицем же к лицу Святую Троицу узрети сподобися—/ смирения реку и безсмертия источник,/ иже ныне напаяемь,/ обожения в Вышних наслаждаешися, преподобне,/ моли о всех, иже верою чтущих тя.

**Слава, и ныне, Богородичен:**

**П**оём Тя, Богоневесто, Мати Христа Бога нашего,/ и славим рождество Твое непостижимое,/ иже и избавихомся от лести диавола и всякия беды, Владычице Богородице,/ и верно вопиём:/ помилуй стадо Твое, Единая Препетая.

**По 2-м стихословии седален, глас 2:**

**П**ристрастия мирскаго и обрученицы, яко от скверны, уклонился еси,/ постом зельным плоть увядив,/ души крепость обновив, преподобне,/ обогатился еси славою Небесною, Алексие,/ темже молися о всех нас Господеви.

**Слава, и ныне, Богородичен:**

**М**илосердия сущи источник,/ милости сподоби нас, Богородице,/ призри на люди согрешившия,/ яви, яко присно, силу Твою,/ на Тя бо уповающе, радуйся, вопиём Ти,/ якоже иногда Гавриил, безплотных Архистратиг.

**По полнелелѣи седален, глас 8.**

**Подобен: Премудрости:**

**Г**лас Господень яко услыша, преподобне Алексие,/ и тогда мира вся и яже в мире всего вкупе отречеса,/ богатство же и славу яко мимотекущее презрев,/ и странен отечества и всех был еси./ Темже и явися, яко Ангел в телеси,/ молитву имея непорочну и всеночное стояние./ Отсюду бысть



цѣрковь Троицы, Богоблаженне Алексіе, / моли Христа Бога грехов оставление даровати / чтущим любовию память твою всечестную.

**Слава, и ныне, Богородичен:**

Яко Деву и едину в женах, Тя, без семене рождшую Бога плотию, / вси ублажаем, роди человечести, / Огнь бо вселися в Тя Божества, / и яко Младенца дойши Зиждителя и Господа. / Тем, Ангельский и человеческий род, достойно славим пресвятое рождество Твое / и согласно вопиём Ти: / моли Христа Бога согрешений оставление даровати / поклоняющимся верою пресвятому рождеству Твоему.

**Степенна, 1-й антифон 4-го гласа. Прокимен, глас 4: Честна пред Господем: Стих: Что воздам Господеви: Евангелие от Матфея, зачало 43.**

**По 50-м псалме стихира, глас 6:**

Приидите днесь вси, постническое сословие / и празднolibных собори, / цветы добродетелей вземше, / песнями священными воспойм Божественнаго Алексія, / иже от дел именованіе приимшаго, / и на земли, яко Ангела с плотию, пожившаго, / и вся красоты мира сего яко преходящая оставльшаго, / и Христу последовавшаго воздержанием многим, / злостраданіем и постом тело свое изнурившаго, / дондеже Божественный глас свыше яви тя всем / и человека Божия нарече / и преславными чудесы удиви, / темже, яко имея дерзновение ко Господу, / Того моли очищение грехов низпослати, / иже всем верою празднующим / всечестную и многорадостную память твою.

**Канон, егоже краегранесие: Тя, Божия человека, восхваляю, блаженне. Кир Иосифа. Глас 2.**

**Песнь 1**

**Ирмос: Во глубине постла иногда / фараонитское всеобинство преоруженная сила, / воплощшея же Слово всезлюбный грех потребило есть, / препрославленный Господь славно бо прославися.**

**Теснѣйшій шѣствовал еси́ путь, / непорѣчное и преподѣбное житиѣ, мѹдре, проходя от юности, / тѣмже мою теснотѹ разшири́ ума́ восхвалити́ тя, / в райстей широтѣ водворяяся, Алексіе.**

**Тебѣ самаго весьма́ Бѹгу возложив, блаженне, / вне плѣти и міра был еси́, / богатству теку́щу Небѣсное предпочѣл еси́ и пребывающее / и обеща́нный град Сиѡн вѣчнующий.**

**Ложесн ты ма́терних непло́дие разрешил еси́, / рѣдся, якоже Самуи́л, пребогате, / во чрѣве же сѣрдца чистый зачѣн страх, / родил еси́ дух спасѣния Божѣственных добродѣтелей вѣрою.**

**Богорѣдичен: Бѹжий Собезначальный Сын имѣ яко виновну́ Тя к нам, Дѣво, подобия, / еди́ну, па́че всея́ твѣри, Чистая, чисту́ Тя обрѣт. / Тем Тя поѣм, вси рѣди, и ублажа́ем.**

### Песнь 3

**Ирмос: Процвѣла́ есть пусты́ня, яко крин, Гѹсподи, / язы́ческая непло́дящая, Цѣрковь / пришѣствии-ем Твои́м, / в нейже утверди́ся моѣ сѣрдце.**

**Пронза́емъ желани́ем чистоты́, / черто́гом, иже на земли́, Небѣсный пременил еси́ / и жени́ любовь сладча́йшее А́нгельское подобие.**

**Молвы́ житѣйския и тя́жесть богатства оста́вил еси́ / и пресѣльник был отѣчества, блаженне Алексіе, / Христо́ве нищете́ подобяся.**

**Слезáми, и болѣзньми, и воздержáнием, всемѹдре, благо́е взыска́л еси́, / когда́ придет свет рáзума, / безстра́стие дай сѣрдцу твоѣму́.**

**Богорѣдичен: Горѣ невидимый А́нгелом, Чистая, / доле́ из Тебѣ ражда́емъ, зрѣтся совершѣн Человѣк, / погибáющий мир обновля́я.**

### Сѣдален, глас 3.

**Подѣбен: Красотѣ:**

**Міра красотѹ, преподѣбне, оста́вил еси́, / пременив́ богатством текѹщим непроходѣмое я́ве и пребывающее, Алексіе. / Тѣмже со все́ми тя свѣты́ми сла́вим / и торжествѹем свѣтло в пáмяти твоѣй, / просяще обрѣсти́ молитвами твои́ми, блаженне, вѣлию́ мѣлость.**



### Слава, и ныне, Богородичен:

Недомысленно и непостижно есть, Владычице Богорадованная, / еже соделанное о Тебе страшное Божие таинство, / ибо Необыменнаго, зачещи, родила еси, / плотию обложена от пречистых кровей Твоих. / Егже всегда, Чистая, яко Сына Твоего моли спастися душам нашим.

### Крестобогородичен:

Неискусобрачная Чистая и Мати Твоя, Христэ, / видящи Тя, мертва висяща на Крестэ, матерски плачущи, глаголаше: / что Тебе воздаде еврейский беззаконный собор и неблагоприятный, / иже многих и великих Твоих, Сыне Мой, даров насладивыйся? / Пою Твое Божественное снизхождение.

### Песнь 4

**Ирмос:** Пришел еси от Девы, не ходатай, ни Ангел, / но Сам, Господи, воплощся, / и спас еси всего мя, человека. / Тем зову Ти: слава силе Твоей, Господи.

Претерпел еси нищету, проситель быв, нищ, якоже Лазарь, / желание бо Божественное утешаше, блаженне, сердце твое, / пожелавшее богатства Небеснаго.

Безпечальнаго и тихаго жития возжелал еси, / единости ядый в седмице, Алексие, / желанием ожидающего тя не мимотекущаго, всеблаженне, наслаждения.

Храм Богу сердце ищай соделати, / в дому возлюбил еси Богоматере, славне, всегда седети / и Небесныя доброты созирати.

**Богородичен:** Воздойвши Дателя, Дево, млека, / алчущее и утесняемое ныне сердце мое насыти всякаго разума / и умиления Божественнаго, молю Тя.

### Песнь 5

**Ирмос:** Ходатай Богу и человеком был еси, Христэ Боже: / Тобою бо, Владыко, к Светоначальнику Отцу Твоему, / от ноши неведения / приведение имамы.

Токи священными напаяя всегда слез твою

душу, / соделал еси клас, воистинну сторичеству-  
ющ, / Делателю Безсмертному добре соблюдаемь.

**Виден** был еси на земли, житие Бесплотных  
подражая, / премногим твоим, отче, воздержанием,  
досточудне, и в молитвах прилежанием, / имже,  
яко светом, просветился еси.

**Огнем** молитв греха попалил еси вещь, мудре, /  
бденными же стояньми всякое сладострастие  
успил еси, / уснув же, к сиянию преставился еси  
невечернему.

**Богородичен:** **Иже,** во Свете живый, / во святое  
чрево Твое вселися, Чистая, / мир, погибший  
тьмою неразумия, паки назидая, / Егоже моли вся  
просветити, поющая Тя.

### Песнь 6

**Ирмос:** **В** бездне греховней валяясь, / неизслед-  
ную милосердия Твоего призываю бездну: / от тли,  
Боже, мя возведи.

**Яко** храм жив Божий, ты, бывша Христова  
селение, / Неискусобрачная проявляет крьюща-  
ся / и прославляет утайтися тщащагося.

**Молитвы** твои Богу, яко кадило, блаженне,  
приятны быша, / отсюда житием твоим верных  
разумы облаговонил еси / Духа благодатию.

**Священным** житием украшаема, / паки Христос  
не хотяща, славне, ты отечеству дает, / отбегаяща  
славы привременныя.

**Богородичен:** **Законы** естества, Чистая Влады-  
чице, / Зиждатель, новосоделавый создания, / из  
Тебе неизреченно раждается / и обожает мя без-  
мерною милостию.

### Кондак, глас 2:

**Д**ом родителей твоих, яко чуждимев, / водворил-  
ся еси в нем нищеобразно / и, по преставле-  
нии венец прием славы, / дивен на земли явился  
еси, Алексие, человеце Божий, / Ангелом и челове-  
ком радование.

### Икос:

**Житием** и словесы украсился еси / и Христову  
Церковь возвеличил еси твоим житием, / отца и



мáтерь, царя и лю́ди торжествова́ти устро́ив, /  
 де́лы же соблю́д, е́же по о́бразу Бо́жию, Алексе́е  
 препода́бне, / возсия́л еси́ в ми́ре твои́м целому́дри-  
 ем. / Те́мже благода́ть добродете́лей твои́х облиста-  
 ва́ет вся, ве́рою пра́здную́щая, о́тче, па́мьять твою́, /  
 яви́л бо ся еси́ А́нгелом и челове́ком ра́дование.

### Песнь 7

**Ирмо́с:** *Богопроти́вное велéние беззако́ннующа-  
 го мучи́теля / вы́сок пла́мень вознесло́ есть. / Хри-  
 сто́с же простре́ Богочестивым отро́ком рóсу  
 духо́вную, / Сый́ благословéн и препросла́влен.*

Претерпéл еси́, препода́бне, пред роди́тельными  
 враты́ седя́, / и весьма́ непознава́емь, и от о́трок  
 руга́ния подъя́емь, / и наруга́емь лю́те, и нището́ю  
 мно́гою оскорбля́емь.

Пло́ти твоея́ мудрова́ние умертви́в, / зря роди́те-  
 ли, и си́ми непознава́емь, естества́ покрыва́л еси́  
 ну́жду, препода́бне, / и презрэ́ние твои́х неиску́с-  
 ных о́трок, оскорбля́ющих тя.

О, чудесе́! Ка́ко пребы́л еси́, присно́ нищét-  
 ствуя́, / в бога́тстве, Алексе́е, безме́рнаго смире́-  
 ния? / Ка́ко претерпéл еси́ руга́ния и укори́зны от  
 о́трок, премудре́, твои́х, / не ве́девших жития́  
 твоего́?

**Богоро́дичен:** *Вели́каго служи́тельница Ты та́-  
 инства́ была́ еси́, Всенепоро́чная: / Бо́га бо вопло-  
 ти́ла еси́, вели́ких зол нас изба́вльшаго, / Ты  
 велича́ющая, Чи́стая Благословéнная, Богора́до-  
 ванная.*

### Песнь 8

**Ирмо́с:** *Пещь́ ино́гда о́гненная́ в Вавило́не де́й-  
 ства́ разделя́ше, / Бо́жиим велéнием халде́и опаля́-  
 ющая, / ве́рныя же ороша́ющая, пою́щая: / благо-  
 слови́те, вся дела́ Господа́, Го́спода.*

Неве́дом прэ́жде роди́телем сый́, / во вре́мя  
 отше́ствия твоего́ сим та́йну открыва́еши, / явля́-  
 емь в сла́ву Бо́га на́шего, сла́вне, / вельми́ ты и  
 досто́йне просла́вльшаго.

Госпо́дь гла́сом ве́лиим явля́ет тя все́му Ри́му, /  
 сокро́венное сокро́вище, пребога́те, в нищétне  
 о́бразе лежа́ща / и да́ры врачева́ний вся, ве́рою к  
 тебе́ приходи́ющая, обогаща́ющая.

**К**нязи лѣдстии, и цѣрие снидѡшася, и священницы, блаженне, / погребсти тя Божиим мановѣнием / и, видяще велие видѣние, дивѣшася чудесѣм, преподѡбне, / яже творил еси Божественною силою Духа.

**Богородичен:** Истлѣвшия ны дрѣвле преступлѣнием обновляя, / Человеколѡбец нетлѣнно воплотися от нетлѣнных Твоея, Всенепорѡчная, утробы / и избави всех грехѡвныя тли, Богоневѣстная.

### Песнь 9

**Ирмос:** Безначальна Родителя Сын, Бог и Господь, / воплощся от Дѣвы, нам явися, / омраченна просветити, обрати расточенна, / тем Всепетую Богородицу величаем.

Исцелѣния источил еси, ко грѡбу несѡм, / Бѡгу тя, блаженне, вельми славящу: / свет бо невидящии видѣша / и глаголаніе приѣша прѣжде сущѣ немии, всеславне Алексіе.

Виден был еси, предлежащ и к погребѣнію несѡм, / яко солнце, ѡтче, испущая исцелѣній зарі преславно, / и темныя страсти отгоняя, и опалая дѣмоны, / и просвѣщая Богомудрыя.

Прииде погребсти тя Патриархов первейший, / царь же, вельми христоролюбивейший, / князи, старцы и юнии и монашествующих лицы, Божественным мановѣнием / освящающесе прикосновѣніем твоим, блаженне.

Восхищен был еси, на колеснице добродѣтелей несѡм, / и почиваеши, идеже преподѡбных чини, / собѡр апѡстол и мучеников, патриархов и всех праведник, / с нимиже нас помяни, почитающия тя, Алексіе.

**Богородичен:** Глас Тебѣ приносим Гавриѡлов, Всенепорѡчная, / радуяся, глаголюще, ниво недѣланная; / радуяся, клятвы разрешѣние; / радуяся, источниче воды животныя, / преподѡбных похвалѡ, Богородице Приснодѣво.

### Светѣлен.

**Подобен:** Небо звездами:

**О,** чудо: / како во вратѣх родителей твоих, многолѣтне, / якоже некий адамант, терпел еси, /



естества́ ну́ждею не преклонілся, / ни родітелей же и супру́жницы, Алексіе, го́рькими рыда́ньми.

**Сла́ва:** Я́ко фíникс, процветé цветонóсен, всечестне, благолéпно, / возсія́, я́коже звезда́ми, чудесы́ озарі́ вся, день твой, блаже́нне, / в о́ньже пра́зднующе, всех нас изба́ви моли́твами твоими́, о блаже́нне челове́че Бо́жий Алексіе.

### И ны́не, Богоро́дичен:

Просветі́, Чістая, ду́шу мою́, грехі́ потемне́вшую, / и вéчнующаго мя пла́мене и мра́ка изба́ви ходата́йством Твои́м, / я́ко да с весéлием хвалю́ Твоё вели́чие.

### На хвалі́тех стихі́ры, глас 4.

Подóбен: Я́ко до́бля:

И́же мимотеку́щая и прелéстная / нога́ма твои́ма попрáл есі́ / и Христо́во я́ко непреходя́щее Ца́рствие / дівными по́двиги стяжа́л есі́, Алексіе Богоно́се, / наста́ви ны на по́двиги Божéственныя / и моли́ от тли и бед изба́виться всем, / véрою творя́щим всечестну́ю па́мять твою́.

Егда́ на безстра́стия го́ру возше́л есі́, сла́вне, / ветри́ искуше́ний и духо́в лука́вствия / не возмо́гша поколебáти тебе́, / ты бо моли́твами твоими́ / де́монов шата́ния низложі́л есі́, Алексіе всечестне, / тем и венéц свѣ́ше от Христа́ Бо́га прия́л есі́, / Егóже моли́ низпослáти нам / мир и véлию и богáтую мѣ́лость.

Воздержа́нием твёрды́м / телéсная и безстудная стремлéния умертвѣ́л есі́ / и, в живонóсную мёртвость одéявся, блаже́нне, / до́брым по́двигом течéние соверши́л есі́, / челове́че Бо́жий Алексіе. / Тёмже Христа́ Бо́га моли́ / от тли и бед изба́виться / любóвию почита́ющим свяще́нную па́мь твою́.

### И́ны стихі́ры, глас 1.

Подóбен: Небéсных чинóв:

Стра́нствием цветѣ́й, я́коже дрéвле Авраáм, / Вѣ́шняго доше́л есі́ свѣ́тлаго житія́, / в нёмже, блаже́нне, предсто́я́ Христу́ — Свѣ́ту, / сия́еши, я́ко

сѡлнце, / тѣмже и нас просвети́, / ны́не чту́щих  
пресвѣтлое твоѣ торжество́.

**Во отѣчествии твоѣм страннѡ водворя́яся, / ни-  
щету́ во́льную, наготу́, жа́жду и поноше́ния /  
Христа́ ради́ при́ял еси́, / к Нему́ же вопи́я-  
ше: / приими́ ны́не, Влады́ко, / в рѹце Божѣст-  
венне ду́шу раба́ Твоего́ / по вели́цей ми́лости  
Твое́й.**

**На твѣрдем ка́мени ве́ры / ду́шу твою́ основáв, /  
пáче сѡлнца проси́ял еси́ ми́ру чудесы́, / блаже́нне  
Алекси́е. / Тѣмже ны́не мо́лим тя: / грехо́вный наш  
мрак отгоня́й / тво́ими моли́твами, Хри́стов добро-  
подви́жнике.**

### **Сла́ва, глас 6. Самогла́сен:**

**Свет незаходимый Христа́ Бо́га в себѣ стяжа́л  
еси́, / светоно́се Алекси́е, / и Того́ стопа́м усѣрднѡ  
последовал еси́, / вся плотскáя стремлѣния ду́хови  
повину́л еси́, / я́ко в чужде́м телеси́ стражда́, / на  
демоны подви́зале́ся еси́, / я́ко непобедимый за  
целомудрие во́ин, / и ны́не моли́ Влады́ку всех  
Го́спода / изба́виться ви́димых и неви́димых враг /  
всем, любѡви́ю па́мять твою́ соверша́ющим, / и  
спасти́ся душа́м на́шим.**

### **И ны́не, Богородичен:**

**Богороди́це, Ты еси́ лозá и́стинная, / возрасти́в-  
шая нам Плод живото́а, / Тебе́ мо́лимся, моли́ся,  
Влады́чице, / со святы́ми апо́столы, / поми́ловати  
ду́ши на́ша.**

**Аще несть пост, славослѡвие вели́кое.**

**Аще же по́стен день, на стихѡвне стихира́ самогла́сна  
днѣви в Триѡди, два́жды, и мученичен.**

### **Сла́ва, глас 4:**

**Земный́ А́нгел и Небѣсный́ человек / яви́лся еси́,  
преблаже́нне, / исто́чник умилѣния, ми́лости по-  
то́к, / струя́ исцелѣний, Алекси́е досточудне, / ма́с-  
лина Бо́жия, во́истинну плодови́тая, / еле́ом мило-  
сѣрдия исцеля́ющая я́звы / ве́рно хва́лящих тя, /  
моли́ Человеколю́бца от бед изба́виться / ве́рою  
чту́щим всечестну́ю па́мять твою́.**



## И ныне, Богородичен:

**Избáви ны от нужд нáших, / Мáти, Христá Бóга рóждшая, всех Творцá, / да вси зовём Ти: / рáдуйся, едíно предстáтельство душ нáших.**

### НА ЛИТУРГИИ

**Аще несть пост: Блаженны от канона, песни 3-я и 6-я. Прокимен, глас 7: Возвеселится праведник о Господе / и уповает на Него. Стих: Услыши, Боже, глас мой, внемди молитимся к Тебе. Апостол к Галатам, зачало 113. Аллилуия, глас 4: Праведник, яко финикс процветет, / яко кедр, иже в Ливане, умножится. Стих: Насаждени в дому Господни, во дворех Бóга нáшего процветут. Евангелие от Луки, зачало 24. Причáстен: В пáмять вéчную:**

### Молитва

**О, великий Христов угодниче, святый челове́че Бóжий Алексíе, душею на Небесí Престо́лу Господню предсто́й, на земли же да́нною ти свѣ́ше благодáтию различная совершáяя чудесá! Призри мíлостиво на предсто́ящая святѣй ико́не твоѣй лю́ди, умилénно моля́щиеся и прося́щая от тебе по́мощи и заступлénия. Простри моли́твенно ко Господу Бóгу честнии́ рúце твои́ и испроси́ нам от Него́ оставлénие согрешénий нáших вольных и невольных, в недúзех страждущим исцелénие, напáствуемым заступлénие, скорбя́щим утешénие, бédствующим скóрую по́мощь, всем же, чтúщим тя, мíрную и христиáнскую животá кончíну и дóбрый отвѣт на стра́шнем Судѣ Христовѣ. Ей, угодниче Бóжий, не посрамí уповáния нáшего, е́же на тя по Бóзе и Богородице возлага́ем, но буди нам по́мощник и покрови́тель во спасénие, да, твоими моли́твами получи́вше благодáть и мíлость от Господа, прослáвим человеколю́бие Отцá и Сы́на и Свята́го Дúха, в Трóице слáвимаго и поклáяемаго Бóга, и твоѣ святóе заступлénие, ны́не, и присно, и во вéки веко́в. Ами́нь.**





**Преподобный Алексий, человек Божий**, родился в Риме от знатных и благочестивых родителей. Отец его Евфимиан был сенатором. Он отличался душевной добротой, был милосерден к больным и страждущим, ежедневно устраивал у себя дома три стола: для сирот и вдов, для путников и для нищих. У Евфимиана и жены его Аглаиды долго не было детей, и это омрачало их счастье. Но благочестивая Аглаида не оставляла надежды — и услышал ее Бог, и послал им сына. Отец назвал младенца Алексий (в переводе с греческого «защитник»). Святой Алексий рос здоровым ребенком, хорошо и прилежно учился. Когда же он достиг совершеннолетия, Евфимиан и Аглаида решили его женить. Они выбрали для сына девушку царской крови, очень красивую и богатую. Оставшись после свадьбы наедине с молодой женой, святой Алексий отдал ей свой золотой перстень и поясную пряжку со словами: «Сохрани это, и да будет между тобой и мной Господь, доколе не обновит нас Своею благодатью». Потом он вышел из брачного покоя и той же ночью покинул отчий дом. Сев на корабль, отплывающий на Восток, юноша прибыл в Лаодикию Сирий-

скую. Здесь он пристал к погонщикам ослов и добрался с ними до города Эдессы, где хранился Нерукотворный образ Господа, запечатленный на плащанице. Раздав остатки имущества, юноша оделся в лохмотья и стал просить милостыню в притворе храма Пресвятой Богородицы. Каждое воскресенье приобщался он Святым Христовым Таин. По ночам Алексий бодрствовал и молился. Вкусал он только хлеб и воду.

Тем временем родители и жена святого Алексия, опечаленные его исчезновением, послали слуг своих на поиски. Были они и в Эдессе, входили в храм Пресвятой Богородицы и подавали милостыню святому Алексию, не узнав его. Через некоторое время слуги вернулись в Рим, так и не найдя святого Алексия. И никому из родных не было откровения о нем. Тогда они смирились и хотя продолжали скорбеть и тосковать о нем, но положились на волю Божию.

Преподобный Алексий провел в Эдессе, прося милостыню в притворе храма Богородицы, семнадцать лет. Сама Пречистая, явившись во сне церковному сторожу, открыла, что нищий Алексий есть человек Божий. Когда же жители Эдессы стали чтить его, преподобный Алексий тайно бежал. Он думал отправиться в г. Тарс (в Малой Азии, родина святого апостола Павла), но корабль, на котором плыл преподобный Алексий, в сильную бурю сбился с курса, долго блуждал и пристал наконец к берегам Италии, невдалеке от Рима. Святой Алексий, узрев в этом Промысл Божий, пошел к дому отца своего, ибо был уверен, что его не узнают. Встретив отца своего Евфимиана, он попросил у него приюта и упомянул о кровных его, пребывающих в странствии. Тот рад был принять нищего, дал ему место в сенях своего дома, велел носить ему пищу с хозяйского стола и приставил слугу для помощи ему. Остальные слуги из зависти стали исподтишка оскорблять нищего, но преподобный Алексий прозрел в этом дьявольское наущение и принимал издевательства со смирением и радостью. Он по-прежнему питался хлебом и водой, а по ночам бодрствовал и молился. Так прошло еще семнадцать лет. Когда же приблизился час кончины его, преподобный



Алексий записал всю жизнь свою, и то тайное, что было известно отцу с матерью, и слова, сказанные жене в брачном покое.

В воскресенье после Божественной литургии в соборе святого апостола Петра совершилось чудо. От святого престола изшел глас свыше: «Ищите человека Божия, чтобы он помолился о Риме и всем народе его». Весь народ в ужасе и восторге пал ниц. В четверг вечером в соборе апостола Петра молили Господа открыть им человека Божия — и с престола изшел глас: «В доме Евфимиана — человек Божий, там ищите». В храме присутствовали римский император Гонорий (395—423), а также Папа Римский Иннокентий I (402—417). Они обратились к Евфимиану, но тот ничего не знал. Тогда слуга, приставленный к святому Алексию, рассказал Евфимиану о его праведности. Евфимиан поспешил к преподобному Алексию, но уже не застал его в живых. Лик блаженно почившего святого сиял светом нездешним. В руке преподобный Алексий держал крепко зажатый свиток. Тело святого Алексия с подобающими почестями

перенесли и положили на ложе. Император и Папа Римский преклонили колена, прося святого разжать руку. И святой Алексий исполнил их просьбу. Свиток с жизнеописанием святого был прочитан чтецом храма во имя святого апостола Петра. Отец, мать и жена святого Алексия с плачем припали к телу святого, поклонились его честным останкам. При виде такого горя многие плакали. Ложе с телом святого Алексия было поставлено посреди центральной площади. К нему стал стекаться народ, чтобы очиститься и разрешиться от недугов своих. Немые начинали говорить, слепцы прозревали, одержимые и душевнобольные выздоравливали. Видя такую благодать, император Гонорий и Папа Иннокентий I сами понесли тело святого в погребальной процессии. Честные останки святого Алексия, человека Божия, погребены в храме во имя святого Вонифатия 17 марта 411 года. В этот день празднуется память преподобного Алексия, человека Божия. В 1216 году были обретены мощи святого. Житие его истари было одним из самых любимых на Руси.



В  
ТОЙЖЕ  
ДЕНЬ

## Преподобнаго отца нашего игумена Мака́рия, Каля́зинскаго чудотворца

ВЕЧЕР

На Го́споди, воззва́х: **стихи́ры, глас 5.**

Подобен: Ра́дуйся:

**Р**а́дуйся, священна́я главо́, / о́тче Мака́рие Бого-  
му́дре, / Бо́жия ра́зума вода́ми напо́емь, / и  
плод благоуха́нен яви́лся еси́ / жити́ем твои́м от  
ю́ности, преподо́бне. / А́ще и челове́к естество́м  
был еси́, / но А́нгельски на землі пожи́л еси́, / страх  
Бо́жий возлюбив и за́поведем Его́ при́сно поуча́-  
яся. / Тих же и утешителен словесы́ показався, /  
ми́лостив и кро́ток был еси́ / и ны́не ра́дости  
Го́спода твоего́ сподо́бился еси́, / приле́жно  
моли́ся / дарова́ти душам на́шим ве́лию ми́лость.



**Ра́дуйся, преподо́бне о́тче Мака́рие, / краси́ней твое́й но́зе до́блественне к течению́ просте́рл еси́, / и пусты́ню дости́гл еси́, / и храм в сла́ву Святы́я Трои́цы воздви́гл еси́, / и мно́жество мона́хов собра́л еси́, / и добродете́льми твоя́ просвети́л еси́, / и всели́лся еси́, иде́же Свет невече́рний, / иде́же А́нгел ликосто́яния, / с ни́миже предсто́я, преподо́бне, / моли́ спасты́ся ду́шам на́шим.**

**До́бре течение́ соверши́в, Мака́рие преподо́бне, / ко Христу́ восхожде́ние получи́л еси́, / честны́я же твое́й мо́щи во гробе́ затворе́ны, / земли́ предава́емы. / Земля́ же от сво́их недр предаёт тя священноле́пна, / це́ла же и неразруши́ма, / благоуха́нием и чудесе́ удивля́ема; / честна́я же твое́я ра́ка па́че ка́мене сапфи́ра, о́тче, показáся, / содержа́щи многоцеле́бныя мо́щи твое́я. / Те́мже Христа́ Бо́га моли́ дарова́ти нам ве́лию ми́лость.**

### **Сла́ва, глас 8:**

**Кто изглаго́лет до́блести твое́я, Мака́рие преподо́бне? / Ра́вно А́нгелом жити́е пожи́л еси́, / воздержáнием ум очисти́в, / слезны́ми течению́ ду́шу просвети́л еси́. / Тем и ны́не, све́тло укра́шен, / предсто́яши со А́нгелы, ра́дуясь, / сугу́бым венце́м увязлся еси́. / Приле́жно, о́тче Мака́рие, моли́ся, блаже́нне, / прося́ ми́ра ми́ру и стране́ на́шей утвержде́ния, / и нас сохрани́, ста́до твое́, моли́твами тво́ими.**

**И ны́не, Богоро́дичен: Царь Небе́сный:**

**Вход. Прокі́мен дне. И чтéния преподо́бническая (зри страни́цы 36—38).**

### **На литіи стихи́ры, глас 5:**

**Преподо́бне о́тче, / от ю́ности имéя смиреному́дріе, / крото́к душо́ю и се́рдцем был еси́, / возжелéв отлучи́тися мирски́х наслажде́ний, / теле́сныя стра́сти умори́л еси́ поще́нием / и к безстра́стия вы́соты, о́тче, возше́л еси́, / и, светода́тельными заря́ми просвеща́емъ, / источа́еши исцелéния, / и отго́ниши ду́хи лука́выя от притека́ющих ти с ве́рою. / Тем па́мять твою́ почита́ем, досточу́дне.**

**Преподо́бне о́тче, / в пусты́ни жи́тельствуя, / еди́ному Бо́гу себе́ возложи́л еси́, / те́сный путь**



шествовав, / воздержанием плоть умертвил еси, / душу же безстрастием украсив, / постником похвалла был еси, Макарие, / невидимаго врага победил еси / и был еси чисто приятелище Божественнаго Духа. / Темже вопиём ти: / мир миру испроси / и душам нашим велию милость.

**Преподобне отче, / Божественнаго Духа благодатию собрал еси лик монашествующих, / воинствующих Христу, / с нимиже добре подвизався, / течение совершил еси твоего мужества, / неуклонно к Небеси преводящую стезю шествовал еси / и ныне со Ангелы ликуеши, / предстои Престолу Всецаря. / Молись, блаженне, о стаде твоём, / еже мудре собрал еси, / да сохранено будет твоими молитвами.**

### Слава, глас 6:

**Приидите, празднующи, / усердно вси стецемся, / верно торжествуем в честней памяти предивнаго отца, / песнями воспевающе всечестное и равноангелом житие его, / по святем бо его преставлении / честныя мощи подають исцеления. / К немуже возопиём: / радуйся, преподобне Макарие, / светильниче многосветлый, / монашествующим спасения ходатай. / Но, яко имея дерзновение ко Христу Богу, / не престаи моляся о чтущих память твою.**

**И ныне, Богородичен: Творец и Избавитель:**

### На стиховне стихиры, глас 8.

**Подобен: О, преславнаго чудесе:**

**О, преславное чудо! / Яко звезда от запада, / Макарие, провозсиял еси / и был еси правило добродетелей, / монахов утверждение, / постников удобрение. / Темже, сошедшая в память твою, / Христа возвеличим, / прославляющаго Своей угодами.**

**Стих: Честна пред Господем / смерть преподобных Его.**

**О, преславное чудо! / В последняя времена, / яко заря, облистал еси, Макарие, / монах истинен был еси, / любви явился еси исполнен / и, яко Ангел, на земли пожил еси, / изображая в себе доброту**

Божественную. / Тем память твою / почитаем, досточудне.

**Стих:** Блажен муж, бойся Господа, / в заповедех Его восхоцет зело.

**О,** преславное чудо! / Макарие дивный, / Крестá силою вооружився, / и, яко крепкий воин, / победи невидимых врагов ополчения, / и со Ангелы ныне водворяется. / Темже в память его возопиём: / того молитвами, Христэ Бóже, / спаси души наша, яко Милосёрд.

**Слава, глас 8:**

Монахов множества / наставника ты почитаем, отче наш Макарие, / твоёю бо стезёю войстинну право ходити познахом. / Блажен еси, Христу рабóтав, / и вражию обличил еси силу, / Ангелов собесёднице, / преподобных сопричаствиче и праведных, / с нимиже молися Господеви / помилуоватися душам нашим.

**И ныне, Богородичен: Безневестная Дёво:**

**Тропарь, глас 8:**

**П**лотская мудрования, отче Макарие, / воздержанием и бдением умертвил еси, / место бо, на немже поты твои излиыл еси, / яко труба, вопиет к Бóгу, / повёдаючи твои исправления, / и по смерти честныя твои мóщи источают исцеления. / Темже вопиём ти: / моли Христа Бóга, да спасёт души наша.

**Слава, и ныне, Богородичен: Иже нас ради:**

**НА УТРЕНИ**

**На Бог Господь: тропарь тойже, дважды, Слава, и ныне, Богородичен.**

**По 1-й стихологии седален, глас 8:**

**Зарёю** Божественнаго сияния просветився, / оставил еси мира жития вся / и восприял еси со безплотными житие невещественно, / Духа Божественными благодатьми усугубився, / отонудуже исцелений дар восприял еси. / Тем вопиём ти: / моли Христа Бóга спастися душам нашим.



### Сла́ва, и ны́не, Богоро́дичен:

Небе́сное благоче́стие си́лам и похва́льную вы-  
со́ту ду́шам на́шим, / Ма́терь Де́ву Отрокови́цу  
восхва́лим, ве́рнии: / ра́дуйся, я́же Ангелов Творца́  
во утробе носивши. / Ра́дуйся, па́дающим очище́-  
ние, Бо́га Сло́во вопло́щи. / Ра́дуйся, Невесто  
неле́стная.

### По 2-й стихоло́гии седален, глас 2:

Страстны́я тьмы отбе́г, к безстра́стию путе́м  
наставляе́мь, / к Све́ту невече́рнему восте́кл еси́ / и,  
от Сего́ озари́вся, нетле́ния бога́тство насле́довал  
еси́. / Моли́ непреста́нно о всех нас.

### Сла́ва, и ны́не, Богоро́дичен:

Души́ моея́ ле́ность лю́тую и се́рдца моего́  
прене́можение, Ма́ти Бо́жия, / возо́рвши, исцели́  
моли́твами Твои́ми / и спасе́ных ча́сти сподо́би,  
избавля́ющи мя тьмы и муче́ния, / я́ко еди́на  
упова́ние моё и утеше́ние.

### По полиеле́и седален, глас 6:

Возде́ржанием мно́гим мудрова́ния плоти́  
умертви́л еси́, / ду́шу украси́в оде́жду безстра́-  
стия, / слезны́я ка́пли с тече́нии по́тов совокупи́л  
еси́. / Прише́д умо́м ко Исти́нному Рачи́телю, /  
испроси́ нам ве́лию ми́лость.

### Сла́ва, и ны́не, Богоро́дичен:

От се́рдца стена́ние и от утробы́ Ти приноша́ю, /  
Твоё, Пренепо́рочная, прося́ благопребы́тное за-  
ступле́ние: / помилуй́ всестра́стную мою́ ду́шу, /  
умилосе́рди многоми́лостиваго Бо́га / изба́вити мя  
суда́ и э́зера о́гненнаго, / еди́на Благосло́венная.

**Та́же, степе́нна, 1-й антифо́н, 4-го гла́са. Проки-  
мен:** Че́стна пред Го́сподем / сме́рть преподо́бных  
Его́. **Стих:** Чтó возда́м Го́сподеви о́ всех, я́же  
воздаде́ ми? **Ева́нгелие от Матфе́я, за́чало 43.**

### По 50-м псалме́ стихира́, глас 6:

Преподо́бне о́тче, / во всю зе́млю изы́де веща́ние  
исправле́ний твои́х, / тем на Небесе́х обре́л еси́  
мзду трудо́в твои́х, / де́монския погуби́л еси́ полки́ /

и Ангельския достѣгл еси чины, / ихже житию  
безпорочно поревновал еси, / дерзновение имея ко  
Христу Богу, / мир испроси душам нашим.

### Канон, глас 8.

#### Песнь 1

**Ирмос:** Воду прошед, яко сушу, / и египетскаго  
зла избежав, / израильтянин вопиаше: / Избавите-  
лю и Богу нашему поим.

Отверзи ми, Христе, устне воспети подвиги  
угодника Твоего, преподобнаго Макария, / да  
молтвами своими облак разорит неведения моего.

Блаженное житие на земли пожив, преподобне, /  
Небесное наслаждение достигл еси / и ныне со  
Ангелы ликуеши.

Память твою, Макарие преподобне, яко пресвет-  
лое солнце, возсия, / в нюже нам испроси от Бога  
благодать и милость / и согрешений избавление.

**Богородичен:** Благословен Плод, Пречистая,  
чрева Твоего, / Имже земнии вси клятвы избави-  
хомся, Благословенная Всечистая, / несказанное  
чудо, неведомое слышание, / всех верных спасе-  
ние.

### Другий канон, глас 1.

#### Песнь 1

**Ирмос:** Твоя победительная десница / боголепно  
в крепости прославися: / та бо, Безсмертне, / яко  
всемогущая, противныя сотре, / израильтяном  
пути глубины новосоделавшая.

Ума чистыми светлостью Божественная зря, /  
мужеским нравом, блаженне, к подвигом устре-  
мился еси, / премирными блистаниями трисолнечно-  
го света озаряемь.

Поставив ноге на камени веры, / не поколебался  
еси, блаженне, от искушений и навет вражиих, /  
но, яко огнепальна звезда, попаляя вся благода-  
тию Пресвятаго Духа.

Законы Божественныя соблюдая, / победу веч-  
ную взял еси, преподобне, прогнати духи  
лукавыя / и сих до конца низложил еси.

**Богородичен:** Неизглаголанно зачала еси Бога /  
и паче естества родила еси, Пречистая Владычи-



це, / земныя от прегрешений изменшаго. / Тёмже молó Тя: многих мя согрешений избáви.

### Песнь 3

**Ирмос:** Ты еси утверждение / притекающих к Тебé, Господи, / Ты еси свет омраченных, / и поёт Тя дух мой.

**Крèпкою** твоёю молитвою, óтче, возшёл еси к премíрному наслаждению / и от честныя раки чудес сияния испущаеши, Мака́рие.

**В** Божественней пáмяти твоёй днесь сошедше-ся, / воспеваем твоя подвиги, и болéзни, и исправлèния, óтче преподóбне.

**Чúдно** житиё твоё явися, преподóбне, / благода́тию Божественнаго Дúха обложён, / блаженную кончίνу приял еси, óтче, радуясь.

**Богорóдичен:** От ложесн Твоих, Пречы́стая, / правды Сóлнце возсия и мир просвети, / Егóже Божественными зарьями и менé просвети.

### Ин

**Ирмос:** Еди́не, вèдый человеческаго существá нéмощь / и мýлостивно в нé вообразяся, / препоя́ши мя с высоты́ сýлою, / ёже вопи́ти Тебé, Святы́й, / одушевлèнный хра́ме неизречèнныя сла́вы Твоея́, Человеколю́бче.

**Я**коже честны́й бисер, твоёя́ мóщи, преподóбне, всéми вíдимы, предлежат, / различная исцелèния неоскúдно подающе.

**Л**икуют собрания монашествующих, молéбный совершающе прáздник / в честнём твоём преставлèнии, от душí вопиюще: / помина́й ны, приснопомина́ющая тя.

**Н**аправился еси, преподóбне, к Божественным пристáнищем / окормлèнием Христá Бóга нашего, / напáстей прешéd свирéпых волн.

**Богорóдичен:** Дéло, ёже соделал еси, Господи, ктó ска́жет? / Ю́же бо проклýл еси в печáлех роди́ти ча́да, / Сын Ея́ показáлся еси, / и радуется жéнское отпáдшее естество́ о Тебé, Бóже, Богорóдицы ра́ди.

### Седáлен, глас 8:

**Х**ранитель сый Божественных повелений, Вла́дыки, сла́вне, / чýстое житиё твоё показá тя

священнодѣтеля Божественна, / каплями потов твоих прѣлести лютое ўглие погасил еси / и в тихое пристанище достигл еси, / зриши, блаженне, Егѡже возжелел еси. / Тѣмже вопиѣм ти: / моли Христа Бога грехов оставление подати / чтущим любовью святую память твою.

### **Слава, и ныне, Богородичен:**

**Я**ко Дѣву и едїну в женах, Тя, без семене рѡждшую Бога плѡтию, / вси ублажаем, роди чело-вѣчестии, / Огнь бо вселїся в Тя Божества, / и яко Младенца дойши Зиждителя и Господа. / Тем, Ангельский и чело-вѣческий род, достойно славим пресвятѡе рождество Твое / и согласно вопиѣм Ти: / моли Христа Бога согрешений оставление даровати / поклоняющимся верѡю пресвятѡму рождеству Твоему.

### **Песнь 4**

**Ирмос:** Услышах, Господи, / смотрения Твоего таинство, / разумех дела Твоя / и прославих Твое Божество.

**В** простоте душї, яко Ангел, пожїв, блаженне, / страстей разгнал еси душетленную прѣлесть Божественною благодатию.

**Ч**ѣстен сосуд явился еси Божественнаго Духа, / нося в сердце твоѣм, блаженне, Божественныя ароматы, / услаждая сердца верно память твою почитающих.

**Пр**есвѣтлым венцем обложен, предстоиши Престолу всех Царя: / молися, преблаженне, о верѡю празднующих Божественную память твою.

**Богородичен:** Законы в Тебѣ испразднїшася естества, / паче естества бо Слово родила еси. / Тѣмже Тя верѡю молю: / паче естества чело-вѣча, Всенепорочная, много согрѣшша и Бога удальшася, / обращаешася, спаси мя молитвами Твоими.

### **Ин**

**Ирмос:** Гору Тя, благодатию Божїею приосененную, / прозорливьма Аввакум усмотрив очима, / из Тебѣ избїти Израїлеву провозглашаше Святѡму / во спасение наше и обновление.



**Почёт** добрыми твоими нра́вы Бо́га Преблага́го, Мака́рие./ Те́мже исцелéний исто́чник изливá-еши,/ зной отгоняя болéзней же и печáлей, мýдре.

**Ны́нешняго** жити́я красото́й вся умéты вмени́л еси́,/ да Христа́ приобря́щеша,/ и сего́ ра́ди до́бре потруди́лся еси́, венце́но́сче великоимени́тый.

**Простёр** ум ко еди́ному Влады́це,/ вене́ц нетле́ния от Него́ прия́л еси́,/ сия́ющий све́тлыми светолítiи и богáтыми дарова́нии,/ иде́же перво́родных жили́ща.

**Богоро́дичен:** Влады́чице ми́ра, Богоро́дице, помози́ ми,/ прелука́вый враг поглоща́ет мя зéльне лю́тыми воспомина́нии и помышлéнии,/ я́же от Бо́га мя разлуча́ют,/ не оста́ви у́бо мене́, ниже́ презри́.

### Песнь 5

**Ирмо́с:** Ут́реннюю́ще, вопи́ем Ти:/ Го́споди, спаси́ ны,/ Ты бо еси́ Бог наш,/ ра́зве Тебе́, ино́го не ве́мы.

**Егда́** благода́тию Ду́ха смире́нную стяжа́л еси́ мýдрость,/ ражда́ющему смерть врагу́ глубоку́ я́зву дал еси́/ и высоко́умный того́ нрав до конца́ низложи́л еси́.

**Возше́д** ко оби́телем ве́чным, ли́ку преподо́бных причта́лся еси́, Мака́рие,/ с ни́миже нас помина́й, на земл́и тебе́ помина́ющих.

**Да** ублажи́тся досто́йно Мака́рий:/ поще́нием бо, и моли́твами, и слезáми Бо́гу соедини́ся/ и вся просвещáет духо́вною благода́тию.

**Богоро́дичен:** О́ Мати́ Де́во Отрокови́це,/ я́же необы́меннаго Бо́га плóтию рож́дшая,/ Ангелов сла́ва и де́монов я́зва, Богоневéсто,/ моё́ сёрдце, уязви́вшееся грехо́м, цельбы́ Божéственныя сподóби.

### Ин

**Ирмо́с:** Твой мир даждь нам, Сы́не Бо́жий,/ ино́го бо, ра́зве Тебе́, бо́га не зна́ем,/ и́мя Твое́ имену́ем,/ я́ко Бог живы́х и мёртвых еси́.

**Стра́сти** попалíл еси́ огнём воздержáния,/ ду́шу озари́в Божéственными сия́нии,/ де́монов прогони́тель яви́лся еси́, Божéственным Ду́хом просвещáемь.

**Д**облести твоя, Мака́рие, человекоуби́йца зрѣти не могій, / искушѣния тебѣ простира́ет, / ѣмже мужемудренно противля́ся, до конца́ сего́ низложил еси́.

**М**ирскаго смущѣния отбѣгл еси́, / добродѣтелями удобри́в жити́е твоѣ, / мона́хов утвержде́ние был еси́, о́тче Мака́рие преподо́бне.

**Богородичен:** Ты крѣпость моя́, Ты похвала́ и ра́дование, / Храни́тельница ми и заступле́ние, и прибе́жище, / и Предста́тельница непобеди́ма, Пресвята́я Богородице, / те́мже спаси́ раба́ Твоего́.

### Песнь 6

**Ирмо́с:** *Моли́тву пролию́ ко Го́споду / и То́му возвещу́ печа́ли моя́, / я́ко зол душа́ моя́ исполнися / и живо́т мой а́ду прибли́жися, / и молю́ся, я́ко Ио́на: / от тли, Бо́же, возведи́ мя.*

**Н**а земли́ до́бре пожил еси́, преподо́бне, / и святы́х свѣтлости, и вѣчных наслажде́ний блаже́нства ви́дети сподо́бился еси́.

**Ч**естна́ смерть яви́ся блаже́ннаго Мака́рия пред Тобо́ю, Бо́же вся́ческих, / его́же па́мьять почита́ющим врачевство́ безме́дно явил еси́.

**Д**у́ха благода́ть при́ял еси́, о́тче, / недуги́ от человек прогоня́ти и вред де́монский истребля́ти, / вели́кий уго́дник показався Христа́ Бо́га на́шего.

**Богородичен:** На́йде на Тя Вседѣтельный́ Дух, Всенепоро́чная, / и Сло́во Бо́жие в Тя всели́ся, / и плоть бысть несказанно, пребѣв неизме́нен.

### Ин

**Ирмо́с:** *Обы́де нас послѣдняя́ бездна, / несть избавля́яй, / вмени́хомся, я́ко о́вцы заколе́ния, / спаси́ лю́ди Твоя́, Бо́же наш: / Ты бо крѣпость немощствую́щих и исправле́ние.*

**Д**у́ха си́лою, блаже́нне, мы́сленных волко́в чѣлюсти сокруши́л еси́ / и просвещенным ра́зумом Небѣсную ти́шину́ получи́л еси́.

**П**о́стническим огне́м искуси́вся, око́ се́рдца твоего́ преочи́стив, / и добродѣтельным нра́вом ду́шу просвети́л еси́.

**В**ни́де в тя раче́ние Соде́теля, Богому́дре, / оста́вь земных пристра́стие, / единосельник показався еси́ Вы́шним служи́телем.



**Богородичен:** Без семене во чреве Бóга зачала еси, / Дéва пребывши по рождестве, Чíстая, страшнем. / Тёмже хвалами Тя сла́вим, Тобóю избáвльшеся кля́твы, Пречíстая.

### Конда́к, глас 2.

Подóбен: В́шних ища́:

**В**́шних желая, воздержанием, и труды, и по́ты насладився, / желание плóти твоея́ обузда́в, / чудес дар приём от Христа́ Бóга, / свети́льник явился еси́ пресвётлый. / Тёмже Христо́ва Це́рковь пёсньми сла́вит тя, / преподóбне Мака́рие, óтче наш.

### И́кос

**А**́нгел земный и человек Небесный, / просия́л еси́ в воздержании́ вся́цем / моли́твою, и постом, и чистото́ю / и, Божественное течéние скончав, / В́шняго нетлénия прича́стник был еси́, Богоно́се, / дерзнове́ние стяжав к Человеколю́бцу Бóгу, / И́же исцелений́ благодать на неду́ги различныя тебе́ дарова́. / Тёмже ти ве́рою вопиём: / ра́дуйся, всеблаже́нне óтче, постников похвало́; / ра́дуйся, целомудрия́ сто́лпе, / и́мже демонския́ шата́ния искорени́шася; / ра́дуйся, свети́льниче многосвётлый, / и́же чудес сия́нии вселённую просвеща́еши; / ра́дуйся, я́ко ста́ду твоему́ подава́еши по́мощь и заступлénие; / ра́дуйся, крестонóсному наро́ду нашему́ похвала́ и утвержде́ние, / егóже соблюди́ моли́твами твоими́ от враг ненавётна, / да вси вопиём ти: / ра́дуйся, преподóбне Мака́рие, óтче наш.

### Песнь 7

**Ирмо́с:** Бóжия снизхожде́ния / огонь устыдéся в Вавило́не иногда́, / сегó ра́ди óтроцы в пещи́, ра́дованною ного́ю, / я́ко во цветнице, ликую́ще, поя́ху: / благословён еси́, Бóже о́тец на́ших.

**К** Свету незаходиму́ возше́д / и, я́ко со́лнце, просвеща́еши вселённую, / Свёта бо дела́ совершил еси́, Мака́рие преподóбне, / и ны́не вопи́еши: / о́тец на́ших Бóже, благословён еси́.

**П**лотская́ движе́ния, преподóбне, воздержанием и на земли́ леганием умертвил еси́ / и добродéтелей

просвещением просиял еси, вопия Христу: / отец наших Боже, благословен еси.

**Чудно** житие твое, преподобне, явися, / благодати Божественного Духа обложен, / блаженную кончину приял еси, о Христе радуясь, / к Немуже и зывал еси: / отец наших Боже, благословен еси.

**Богородичен:** Ныне вся исполнишася света Божественного Тобою, Пречистая, / Ты бо дверь явилася еси, еуже миру Бог прииде, / просвещая верою зовущия: / отец наших Боже, благословен еси.

### Ин

**Ирмос:** Тебе, умную, Богородице, печь / рассмотрим, вернии: / якоже бо отроки спасе три Превозносимый, / мир обновил, во чреве Твоем всецел, / хвальный отец Бог и препрославлен.

**Воздержания** росю доблественне страстную печь погасил еси, / слез же каплями, воздушных князей написания растерзал еси / и со дерзновением вопиял еси Христу: / отец наших Боже, благословен еси.

**Постников** ты был еси похвала, Макарие, / крепко низложив демонская шатания, / и ныне наслаждаешься неизреченная красоты, вопия Христу: / отец наших Боже, благословен еси.

**Единому** Богу возложив душу и помышление, тесный путь шествовал еси, / тем получил еси Небеснаго Царствия наслаждение. / И ныне зываеши: / отец наших Боже, благословен еси.

**Богородичен:** Троице во единстве православно служаще, / Тя, Мати Дево Чистая, яко Бога плотию рождшую проповедающе, / земнии, божественно поем: / отец наших Боже, благословен еси.

### Песнь 8

**Ирмос:** Седмерицею печь / халдейский мучитель / Богочестивым неистовно разжже, / силою же лучшею спасены, сия виде, / Творцу и Избавителю вопияше: / отроцы, благословите, / священницы, воспойте, / людие, перевозносите во вся веки.

**Божественными** добротами наслаждаясь, чудес сиянии вся просвещаети / и демонскую тьму



разоряеши Бóжиею благодáтию, поя: / óтроцы, благословíte, священницы, воспóйте, / лю́дие, превозносите во вся вéки.

**Блиста́ясь** благодáтию Божéственнаго Дúха, преподóбне Мака́рие, / честнóе твоé творя́щим успе́ние / свéтлыми тво́ими моли́твами испроси́ грехóв отпу́щение, пою́щим: / óтроцы, благословíte, священницы, воспóйте, / лю́дие, превозносите во вся вéки.

**Заря́ми** твёрдых по́двиг тво́их, я́ко со́лнце, возсия́л еси́: / врачевáния источáеши и вся́ку болéзнь облегчáеши Христу́ вопию́щим: / óтроцы, благословíte, священницы, воспóйте, / лю́дие, превозносите во вся вéки.

**Богорóдичен:** Я́ко разбо́йник, взывáю Ти: / помяни́ мя, Человеколю́бче. / Пла́чу, я́ко блудни́ца, и вопию́: / согрешíх, я́ко дрéвце блúдный, / ка́ющася приими́ мя, отча́яннаго, Богорóдицы ра́ди, / да усéрдно вопию́: / священнии, воспóйте, лю́дие, и превозносите Христа́ во вéки.

### Ин

**Ирмо́с:** *В* пеци́ óтроцы Изра́илевы, / я́коже в горни́ле, / добро́тою благоче́стия чистéе зláта блещáхуся, глаго́люще: / благословíte, вся дела́ Господня́, Го́спода, / пойте и превозносите во вся вéки.

Дúха благодáть приим, óтче Мака́рие, сосúд избрáнный показáлся еси́, / святы́ню приим от Христа́ Бóга, Емúже непрестáнно вопия́: / да благословит тварь вся Го́спода и превозно́сит во вся вéки.

Божéственную си́лою укрепля́емь, победи́л еси́ невидíмых враг ополчéния, / к Свéту прибли́жился еси́ невечéрнему, прíсно воспева́я: / да благословит вся тварь Го́спода и превозно́сит во вся вéки.

Мона́шествующих был еси́ пра́вило правости и стра́сти вся крéпко попрáл еси́. / Тёмже, возше́д на вы́соту, научи́л еси́ воспева́ти: / да благословит тварь вся Го́спода и превозно́сит во вся вéки.

**Богорóдичен:** Спасéния ходáтаица нам яви́лася еси́, Богорóдице, / рóждшая Спа́са и Влады́ку всех. / Тёмже молю́ Тя: / спасéния сподóби смире́н-

ную мою́ дѹшу / песнослѡвити Тя вѣрно во вся вѣки.

### Песнь 9

**Ирмос:** Ужасѣся о сем Небо, / и земли удивишася концы, / яко Бог явися человеком плѡтски / и чрево Твое бысть пространнейшее Небес. / Тем Тя, Богородицу, / Ангелов и человек чиновачалия величают.

**Рака**, идеже лежит честное тело твоё, источник содевает чудес, / к нейже притекающе, от всякия скверны и страстей избавляемся.

**Огнем** Божественнаго страха дѹшу распалил еси, / и к сиянию невечернему востекл еси, / и ныне, блаженне, трисолнечным светом озаряемь.

**Мирския** сладости возненавидев, / мужеским нравом к подвигом устремился еси / и преподобным красотѡ лепотна был еси, / тем память твою почитаем, досточудне.

**Богородичен:** Низложи вознесенныя / и победы полки иноплемѣнных, Дѣво Чистая, хотящия бранем, / и Твоя рабы невредны от них сохрани, Отроковице.

### Ин

**Ирмос:** Образ чистаго рождества Твоего / огнепалимая купина показѡ неопальная, / и ныне на нас напастей свирѣпеющую угасити, молимся, пещь, / да Тя, Богородице, / непрестанно величаем.

**Мраз** ночный доблественне претерпел еси и вар дневный понесл еси, / дом Премудрости Божия был еси / и возшел еси на гору Божественнаго разума.

**Алчбою**, и молитвами непрестанными, и чистою Богу соединяся, / множества монашествующих научил еси / вещественных всех огребатися.

**Стадо** твоё, отче, возгнал еси на пажить чисту воздержания, / и привел еси к безстрастия источнику, / и ныне потщися, пастырю добрый, сохранить сие невредно.

**Богородичен:** О Пресвятая Дѣво, Мати Бога Вѣшняго! / Твое Рождество на земли спасение явися грѣшником и смиренным, / о Тебѣ бо спасомся, веровавшии, / но спасаеши мя ныне и во вся вѣки жизненныя.



### Светѣлен:

**Многосвѣтлый светѣльник, пустынное воспитаніе, чистоты сокровище, / Ангелом собесѣднике, / дом Духа Пресвятаго, Мака́рие преподобне, / непрестанно моли́ся о вѣроу почитающих пречестную́ па́мь твою́.**

### Богородичен:

**Тя пѣсньми немолчными ублажа́ем, Дѣво, / яко от Трѣбицы Еди́наго родила́ еси́, Богородице, / и но́сиши на Божѣственныхъ объ́ятіяхъ Божѣственное Сло́во, / Егѣже пѣсньми досто́йно сла́вим.**

### На хвалѣтех стихіры, глас 4.

Подобен: Яко дѣбля:

**От юности возложився Владѣще всех, / Сего возжелел еси́, / крѣпко к подвигомъ мужески устремился еси́, / и обогатился еси́ Божѣственной благодатию / творити исцеления / и чудодѣствовати преславная, / и возшествие к Небеси́ обрел еси́, / и, со Ангелы ликуя, непрестанно моли́ся / о стаде твоѣм, Богоблаженне.**

**Солнца свѣтлейши / священная па́мь тво́я провозсия́, / всеблаженне Мака́рие, / пресвѣтлыми свѣтлостми́ озаряя вся, / подвиги тво́я почитающія. / Не преста́й моля́ся, блаженне, / Прославльшему святую́ твою́ па́мь / и чудес сокровище ты́ сущимъ в ми́ре / Дарова́вшему, преподобне.**

**Мирскія красоты́, блаженне, / радуясь, избѣгл еси́, / тогда́ предпочел еси́ / тѣсный и болѣзненный путь / и зело́ жесто́кий, / и в слеза́хъ препроводил еси́ все житіе́ твоѣ, преподобне. / Тѣмже утешения́ Божѣственнаго / и непрестаннаго веселія́ / ны́не наслажда́ешься, Мака́рие.**

### Сла́ва, глас 2:

**Преподобне ѡтче, / измлада в добродѣтели прилежно подви́зався, / сосудъ был еси́ Свята́го Духа. / Тем и чудес дарова́ния приѣм, / челове́ки научил еси́ преобидети маловре́менныхъ, / ны́не же неизреченнымъ свѣтомъ свѣтло сия́еши, / просвети́ наша помышления́, / ѡтче преподобне Мака́рие.**

## И ныне, Богородичен. Славословіе великое. Ектений и отпуст.

### НА ЛИТУРГИИ

**Блаженны от канона, песнь 3-я, первого канона, и песнь 6-я, второго канона. Прокимен, глас 7: Честна пред Господем / смерть преподобных Его. Стих: Что воздам Господеву о всех, яже воздаде ми? Апостол к Галатам, зачало 213. Аллилуия, глас 6: Блажен муж, бойся Господа, в заповедех Его восхощет зело. Стих: Сильно на земли будет семя его. Евангелие от Луки, зачало 24. Причастен: В память вечную будет праведник:**



**Преподобный Макарий, игумен Калязинский** (в миру Матфей), родился в 1400 году в селе Грибково (Кожино), близ города Кашина, в семье боярина Василия Кожы С юных лет он стремился к иночеству, но, соблюдая волю родителей, должен был жениться. Через год скончались его родители, а через три года преставилась и его супруга Елена. Не испытывая мирских привязанностей, Матфей постригся в иноки в Николаевском Клобуковском монастыре в Кашине (основан около 1413 г.). Из любви к уединению он оставил город-

скую обитель и вместе с 7 иноками нашел место в 18-ти верстах от Кашина между двумя озерами вблизи Волги. Здесь преподобный Макарий основал уединенную пустынь. Боярин Иван Коляга, владелец окрестных земель, испугался, что возникшая обитель начнет обрабатывать принадлежавшие ему пустоши. Враг спасения внушил ему намерение убить святого, но неожиданно боярин тяжело заболел. Страх близкой смерти пробудил в нем раскаяние. Поведав о своих злокозненных намерениях святому, коленопреклоненно просил у него прощения и был прощен. Тогда Иван Коляга отдал свои земли возникшей обители, желая загладить грех. Иноки воздвигли в обители храм во Имя Пресвятой Троицы. Молва об обращении жестокосердного боярина Коляги привела к преподобному многих, жаждавших спасения. Уступая общему желанию, преподобный был посвящен во игумена Тверским епископом Моисеем (1458—1461). В сане игумена преподобный трудился, проходя подвиг молитвы и поста наравне со всеми иноками. Несмотря на свое знатное происхождение и высокое звание, преподобный был очень прост в укладе жизни и обращении, носил бедную, покрытую заплатами одежду. Князь-инок Вассиан высокомерно называл его «калязинским мужиком». Преподобный Макарий несколько не обижался на это, предпочитая похвалям насмешки. Он часто уединялся в лесной глуши, предаваясь молитвенному созерцанию природы. Чувствуя его кротость и доброту, звери и птицы принимали от него пищу. По милости



Божией преподобный Макарий еще при жизни сподобился дара чудотворений. Он неоднократно исцелял ослабленных, изгонял злых духов из бесноватых. До глубокой старости преподобный Макарий не изменял своего строгого правила. Преставился преподобный 17 марта 1483 года. По кончине на нем нашли тяжелые вериги, о которых до этого не знали.

Один из калязинских купцов, некто Михаил Воронков, задумал построить новый каменный собор в местном монастыре. В этом богоугодном деле его поддержал Дмитровский князь Юрий Иванович, в удел которого входил Калязин. При сооружении фундамента Троицкого собора 26 мая 1521 года были обретены мощи осно-

вателя Калязинского собора преподобного Макария. Узнав об этом, митрополит Московский Даниил (1522—1539) созвал в Москве Собор, который установил местное празднование новоявленному святому.

После того как было окончено строительство Троицкого собора, 9 октября 1523 года, состоялось торжественное перенесение мощей преподобного Макария. На московском Соборе 1547 года, при Митрополите Всероссийском Макарии (1543—1564) постановлено праздновать память преподобного Макария Калязинского повсеместно. Кроме даты преставления (17 марта), память преподобного Макария совершается также 26 мая (обретение мощей).

